



Arkivnr: 2018/16480-98
Saksbehandlar: Marielle Solheim

Saksframlegg

Saksgang

Utval	Saknr.	Møtedato
Fylkeseldrerådet i Hordaland		19.06.2019

Haustkongressen 2019

Samandrag

Haustkongressen er ei årleg kongress for dei kommunale eldreråda i Hordaland, i regi av fylkeseldrerådet i Hordaland. Den komande regionreforma vil ha følgjer for årets kongress.

Det konstituerande fylkestinget for nye Vestland fylkeskommune vil gå føre seg 15. og 16. oktober, og det skal da veljast nye medlemmer til fylkeseldrerådet. Det nye fylkeseldrerådet trer i kraft beinveges, og det gamle fylkeseldrerådet, slik det er i dag, vil frå då av og ut året berre drive naudsynt avviklande verksemd.

Dersom Haustkongressen skal arrangerast i år er føresetnadane frå den administrative leiinga at dette vert ei felles kongress for Hordaland og Sogn og Fjordane, utan ekstraløyvingar i budsjettet. Fylkeseldrerådet i Sogn og Fjordane har blitt bedne om å ta stilling til om dei ynskjer og har høve til å arrangere ei slik kongress saman med fylkeseldrerådet i Hordaland, og 07.06.19 svara dei tilbake at fylkeseldrerådet i Sogn og Fjordane ikkje ynskjer å arrangere ei slik kongress i 2019. Fylkeseldrerådet i Sogn og Fjordane ynskjer heller å arrangere ei slik samling våren 2020, og grunnlegg dette med at arbeidet gjerne ikkje er i gang i ein del av dei kommunale eldreråda i november, og dessutan generell stor arbeidsmengde til hausten.

Dette vil seie at haustkongressen 2019 utgår.

Fylkeseldrerådet vert no bedne om å vedta om haustkongressen 2019 skal erstattast av ei kongress for dei fylkeskommunale eldreråda i nye Vestland fylkeskommune våren 2020. Dersom kongressen skal arrangerast våren 2020 vil det vere fylkeseldrerådet i nye Vestland fylkeskommune som vil vere fungerande under kongressen, men ein må vurdere om det vil vere nok tid for det nye fylkeseldrerådet å arrangere ei slik kongress frå starten av. Fylkeseldrerådet vert difor og bedne om å vurdere om de ynskjer å starte planlegginga med Sogn og Fjordane, særkild med tanke på tid og stad, og eventuelt tema og førelesarar. Ein må ta sikte på at eventuell vidare planlegging med Sogn og Fjordane vil gå føre seg via videomøter, noko det er gode høve for på fylkeshuset.

Forslag til vedtak

Saka vert lagt fram utan tilråding.

Bertil Søfteland
leiar fylkessekretariatet

Marielle Solheim
administrativ sekretær

Saksframlegget er godkjent elektronisk og har derfor inga underskrift.